

KIROL-ZERBITZUA

2026AN HERRIKO ERAGILEEK OIARTZUNEN KIROL-JARDUERAK ANTOLATZEKO DIRULAGUNTZAK BANATZEKO OINARRI-ARAU ESPEZIFIKOAK

1. ARTIKULUA.- Xedea eta helburuak

Oinarri-arau hauen xedea da norgehiagoka bidez dirulaguntzak banatzea, herriko eragileek, 2026an zehar, Oñartzunen kirol-ekitaldiak antolatzeke. Kirol-jarduera horiek irabazi-asmorik gabekoak izango dira eta herrian kirola sustatzea izango dute xedetzat. Gainera, kirolaren arloan interes orokorrekoak izan beharko dute.

Dirulaguntza hauetan kontuan izango da Oñartzungo Udalaren dirulaguntzak arautzen dituen Ordenantza, 2025-2027rako dirulaguntzen Plan Estrategikoa, eta Emakumeen eta Gizonen Berdintasunerako eta emakumeen aurkako indarkeria matxista gabe bizitzeko Legearen testu bategina, 1/2023 Legegintzako Dekretuz, martxoaren 16an onartua eta 3/2007 Lege Organikoa, martxoaren 22koa, emakumeen eta gizonen berdintasun eragingarritakoak.

2. ARTIKULUA.- Onuradunak eta parte hartzeko baldintzak

Oinarri hauek arautzen dituzten dirulaguntzak eskatu ahal izango dituzte, Oñartzungo Udalaren dirulaguntzak emateko Ordenantza Orokorrak 2. artikuluan zehazten duen moduan:

- Egoitza edo ordezkaritza iraunkorra Oñartzunen duten edo bere jarduerak iraunkorki bertan egiten dituzten pertsonak edo elkarteak eskuratu ahal izango dituzte dirulaguntzak. Hala ere, Oñartzundik kanpoko pertsonen edo elkarten jarduerak lagundu ahal izango dira, interes orokorrekoak badira.
- Onuradun izan daitezke pertsona fisiko edo juridikoen elkarteak, ondasun-erkidegoak edo, nortasun juridikorik izan ez arren, proiektuak, jarduerak edo portaerak burutu ditzakeen, edo dirulaguntza ematea eragin duen egoeran dagoen edozein ekonomia-unitate mota, betiere deialdi bakoitzean aurreikusten bada.

Ezin izango dute dirulaguntzarik jaso, indarrean den araudiari jarraiki, eskubide hori mugatuta edo ezabatuta duten pertsonak edo erakundeak. Halaber, ezin izango dute dirulaguntzarik eskuratu behin betiko ebazpen bidez eskubide hori ebazpenak erabakitako epean galtzera zigortutakoek ere, edo Dirulaguntzen 38/2003 Lege Orokorrak 13. artikuluan adierazitako beste edozein kasutan daudenek.

Ez zaie dirulaguntza emango ondorengo entitateei:

- Elkarateak sexu-bereizkeriatatik zigor administratiboa edo penala jaso duenean.
- Erakundeak edo entitateak bere helburuetan, onarpen-sisteman, funtzionamenduan, ibilbidean edo jardueretan emakumeen eta gizonen berdintasunaren printzipioaren aurkakoak direnean edo argi eta garbi bereizkeriakoak diren kontuak edo alderdiak dituztenei.
- Ezingo dute onuradun izan beren baitan gizonen eta emakumeen presentzia eta parte-hartzea berdintasun-egoeran gauzatzea galarazten duten elkarateak, salbu eta, sexu bakarreko kideek osatutako elkarateak izanik, helburu nagusia gizonen eta emakumeen arteko berdintasuna lortzea edo emakumezkoen nahiz gizonezkoen berriarazo interes eta beharrak sustatzea dutelarik.
- 1/2023 Legegintzako Dekretuak, martxoaren 16koa, emakumeen eta gizonen berdintasunerako eta emakumeen aurkako indarkeria matxistarik gabe bizitzeko Legearen testuategia onartzen duena, edo Emakumeen eta Gizonen Berdintasun Eragingarritako martxoaren 22ko 3/2007 Lege Organikoan ezarritako betebeharrak betetzen ez dituztenak.

3. ARTIKULUA.- Diruz lagunduko ez diren gastuak

Ez da dirulaguntzarik emango gastu hauetarako:

- Udal-sail beraren edo beste udal-sail baten berriarazo eskumenekoak diren eta horien laguntza hitzarmen baten barruan sartzen diren gastuak.
- Dirulaguntza ematen den ekitaldi ekonomikoan gauzatzen ez diren gastuak.

4. ARTIKULUA.- Dirulaguntzaren kontzeptuak eta irizpideak. Zenbatekoa. Gehieneko dirulaguntza eta aldaketak

4.1 DIRULAGUNTZEN KONTZEPTUAK ETA IRIZPIDEAK

Jarraian zehaztutako kontzeptuen eta irizpideen arabera banatuko da dirulaguntza, epe barruan aurkeztutako eskaera guztiak kontutan hartuz:

	Jardunaldi-kopurua	Puntuak (15 gehienez)
1.	1	5
	2-3	10
	>3	15

	Parte-hartzaile-kopurua	Puntuak (25 gehienez)
2.	<100	5
	101-200	10
	201-300	15
	301-500	20
	>501	25

	Aurrekontua eurotan	Puntuak (20 gehienez)
3.	0€-500€	0
	501€-1.000€	5
	1.001€-2.000€	10
	2.001€-5.000€	15
	>5.001€	20

	Aurrekontuan elkartearen ekarpena	Puntuak (20 gehienez)
4.	% 20 baino gutxiago	0
	% 20 - 39 artean	5
	% 40 - 59 artean	10
	% 60 - 79 artean	15
	% 80 - 99 artean	20

	Proiektuaren balorazioa	Puntuak (40 gehienez)
5.	Jardueraren garapena	20 gehienez
	Jardueraren zabalkundea	20 gehienez

	Kirol-jardueraren jarraitasuna	Puntuak (10 gehienez)
6.	Urte bakoitzeko	1

	Pilota eta Herri kirolak	Puntuak (5 gehienez)
7.	Ez	0
	Bai	5

	Emakumezkoen parte-hartzea sustatzeko berariazko ekimenak	Puntuak (15 gehienez)
8.	Emakumeentzat egokitutako ekitaldia (ibilbidea, distantzia edo proba egokitzea...)	3
	Emakumeek bakarrik edo formatu mistoan parte hartzea ekitaldian	3

<i>Emakumeek ekitaldian parte hartzea erakartzen duen proiektua</i>	3
<i>Emakumeen irudia sustatzea (sexu genero rol ez estereotipatuak bultzatuz) kirol-jardueraren komunikazio-euskarri guztietan (triptikoak, kartelak edo gonbidapenak)</i>	3
<i>Emakumeei bereziki zuzendutako ekitaldi aurreko saioak egitea, haien parte-hartzea bultzatzeko</i>	3
<i>Emakumeen parte-hartzea sustatzeko aipatutako 3 ekimen espezifiko edo gehiago egitea</i>	15

Gauzatzen diren ekintza guztiak behar bezala justifikatu behar dira, beharrezkoak diren agiriak aurkeztuz.

Dirulaguntzaren zenbatekoa eskatzaileak aurkeztutako dokumentazioaren arabera finkatuko da eta ezingo da izan antolatu beharreko **kirol-jardueraren** kostua baino handiagoa.

Kirol-jardueraren gastu bezala honako hauek baino ez dira kontuan hartuko:

- **Ekitaldiko, torneo, txapelketa gastuak:** federazioaren kanona, arbitrajeak, kartelak, materiala (bolak, pilotak...), garaikurrak, segurtasuneko materiala (hesiak...).
- **Beste gastu batzuk:** begiraleen gastuak, aseguruak, osasun-arreta...

Irizpide hauekin eskaera bakoitza baloratuko da. Gutxienez 30 puntu lortzen ez dituzten eskaerak baztertu ondoren, puntuazio hori gainditzen dutenen artean, dagokion diru-partidan gordetako dirua, eskatutako dirulaguntzaren baitan, proportzionalki banatuko da kirol-jarduera guztien artean.

4.2 ZENBATEKOA

Programa honen bidez deitutako dirulaguntzen zenbatekoa **15.000,00 eurokoa** izango da, 1 0352.481.341.00.03 2026 aurrekontu-partidaren kargura, eta lehiaketa bitartez “Ezohiko kirol-jardueretarako dirulaguntza” kontu-sailetik finantzatuko da.

4.3 GEHIENEO DIRULAGUNTZA ETA ALDAKETAK

Oinarri hauetan araututako dirulaguntzak bateragarriak izango dira edozein Administrazio edo erakunde publiko zein pribatuk xede berarekin emandako beste dirulaguntza, laguntza, diru-sarrera edo baliabiderek.

Aurreko kasuan, onuradunak jakin bezain laster jakinarazi beharko dio organo emaileari dirulaguntza, laguntza, diru-sarrera edo baliabide horiek lortu izana eta, nolanahi ere, jasotako fondoei emandako aplikazioa justifikatu aurretik.

Udalak emandako dirulaguntzen zenbatekoak ezingo du inoiz, bakartuta zein beste dirulaguntza, laguntza, diru-sarrera edo baliabide batzuekin batera, erakunde onuradunak diruz lagunduta garatu beharreko jardueraren kostua gainditu.

5. ARTIKULUA.- Eskaerak aurkezteko lekua eta dokumentazioa

2. artikuluan zehaztutako baldintzak betetzen dituzten pertsonak edo elkarteek dirulaguntzak lortu nahi badituzte, aurrez aurre edo modu telematikoa aurkeztu ahal dituzte eskaerak. Halaber, Administrazio Publikoen Administrazio Prozedura Erkidearen urriaren 1eko 39/2015 Legearen 16.4 artikuluan ezarritako edozein bitarteko erabilita aurkeztu ahal izango dira eskaerak.

Aurkeztu beharreko dokumentazioa:

- Eskaera-orria. (**ERANSKINA**)

Administrazio Publikoen Administrazio Prozedura Erkidearen urriaren 1eko 39/2015 Legearen 28. artikuluan xedatutakoarekin bat etorriz, Oiartzungo Udalak bitarteko elektronikoen bidez egingo ditu deialdi honetarako beharrezkoak diren egiaztapenak eta kontsultak, datu elkarreragingarri hauek lortzeko:

- Identitatea. (eskatzaila pertsona fisikoa bada)
- Gipuzkoako Foru Aldundiarekiko zerga-betebeharrak egunean izatea
- Gizarte-segurantzarekiko betebeharren ordainketan egunean egotea
- Eskaera egiten duen pertsona fisikoak edo elkarteak eskaera-orrian adierazitako kontu korrontearen titulartasuna egiaztatzea

Horiek guztiak, interesdunak eskabidean berariaz aurkakorik adierazi ezean; aurka azalduz gero, Oiartzungo Udalak sektore publikoko edozein entitatetik beharrezkoak diren datuak zuzenean jasotzeko, haiekin egiazta dezan aurkezteko baldintza guztiak betetzen direla.

Administrazio Publikoen Administrazio Prozedura Erkidearen urriaren 1eko 39/2015 Legearen 28.3 artikulua araber, Oiartzungo Udalak ezin baditu agiri horiek



elektronikoki bildu, salbuespen gisa, eskatu ahal izango dio interesdunari horiek aurkezteko.

6. ARTIKULUA.- Akatsak zuzentzea eta dokumentazio osagarria aurkeztea

Eskaerak edo horrekin batera doan dokumentazioak ez baditu identifikazio datuak biltzen, akatsen bat badu edo zerbait falta bada, eskatzaileari eskatuko zaio 38/2003 dirulaguntzak arautzen dituen Lege Orokorrak eta Udal Ordenantza Orokorrak ezarritakoari jarraiki, hamar (10) eguneko epean akats horiek zuzentzeko; eta adieraziko zaio ezen, hori egingo ez balu, eskaeran atzera egin duela ulertuko dela, aipatu legearen 23. artikuluan aurreikusitako moduan.

7. ARTIKULUA.- Epeak

Eskaerak 30 egun naturaleko epean aurkeztu behar dira, Gipuzkoako Aldizkari Ofizialean deialdi hau argitaratzen denetik zenbatzen hasita, 5. artikuluan deskribatutako agiriekin batera.

8. ARTIKULUA.- Beste dirulaguntzekin bateragarritasuna

Araudi honetako dirulaguntzak bateragarriak izango dira erakunde publiko edo pribatuek xede bererako eman ditzaketen bestelako dirulaguntzekin. Bateragarritasunari buruz sortu daitezkeen zalantzak argitzeko, Oiartzungo Udalaren dirulaguntzak emateko Ordenantza Orokorrak 14. artikuluan finkatzen dituen irizpideak jarraituko dira.

9. ARTIKULUA.- Emateko prozedura

Dirulaguntzak emateko prozedurak, Oiartzungo Udalaren dirulaguntzak arautzen dituen Ordenantzak IV. Tituluan (22-23 artikulua) zehazten diren pausoak jarraituko ditu, bertan azaltzen diren baldintzekin:

- Kirol-teknikariak dirulaguntza-eskariak ebaluatuko ditu, eta txostena egingo du horiekin.
- Udalak Alkate-Dekretu bidez behin-behineko proposamena onartuko du, hamar eguneko epea eskainiz interesatuei alegazioak aurkezteko. Prozeduran pertsona interesdunek argudiatutakoak beste egintzarik, alegaziorik edo frogarik agertzen ez denean, entzunaldi-izapide hori bazter utzi ahal izango da. Kasu horretan, ebazpen-proposamena behin betikoa izango da.
- Aurkeztutako alegazioak (baleude) aztertu ondoren, behin betiko ebazpen-proposamena egingo da. Proposamen horrek dirulaguntzaren emakidarako proposatzen dituen eskatzaileen zerrenda eta zenbatekoa adierazi beharko ditu, bere ebaluazioa eta hori egiteko erabilitako balorazio-irizpideak



adierazita, eta baita zer eskaera ez dituen aintzat hartu eta zer arrazoitan oinarritu den ere.

Udaleko iragarki-taulan eta www.oiartzun.eus web orrian ere behin-behineko proposamenaren eta behin betiko ebazpenaren berri emango da.

Behin betiko ebazpena egiteko eta jakinarazteko gehieneko epea sei hilabetekoa da, 7. artikuluan zehazten den epetik kontatzen hasita. Epe hori ebazpena espreski jakinarazi gabe igarotakoan, pertsona edo erakunde eskatzaileek ezetsizat jo ahal izango dituzte egindako dirulaguntzarako eskaerak.

Dirulaguntza ordaintzea: Behin betiko dirulaguntzaren jakinarazpena eman dela jakinarazi ondoren, ordainketa tramitatuko da. Kontuan izango dira, halaber, Oiartzungo Udalaren dirulaguntzei buruko Ordenantzaren VII. Tituluan aipatzen diren ezaugarri guztiak.

Dirulaguntza eman dela jakinarazi bezain laster, dirulaguntzaren % 80 ordainduko da, eta honetarako ez zaie inongo bermerik eskatuko onuradunei. Gainerako % 20 denboraldia amaitu ondoren ordainduko da, eskaera egiteko aurkeztu zen aurrekontuari dagokion gastua justifikatu ondoren. Justifikazioa egiterakoan kontuan hartuko da dirulaguntza emateko orduan oinarritzat hartu zen gastuaren aurrekontua, eta benetako gastua. Halaber, kontuan hartuko dira Ordenantza Orokorren VIII. Tituluan aipatzen diren aspektu guztiak.

10. ARTIKULUA.- Onuradunen betebeharrak

Deialdi honetako dirulaguntzen onuradunek, Oiartzungo Udalaren dirulaguntzak arautzen dituen Ordenantzaren 6. artikulua ezartzen dituen betebeharrak bete beharko dituzte.

Ordenantzaren 7., 8. eta 9. artikuluek, hizkuntza-, berdintasun- eta ingurumen-irizpideen inguruan ezartzen dituzten betebeharrak bete beharko dituzte ere.

Aurretik aipatutakoez gain, onuradunek antolatutako ekintzetan idatziz, ahoz edo irudi bidez eginiko iragarki guztietan Oiartzungo Udalaren laguntzaren berri eman beharko du, haren logotipoa txertatuz (ad.: weba, pankartak, esku-orrietan, karteletan...).

11. ARTIKULUA.- Dirulaguntza justifikatzea

11.1 JUSTIFIKATZEKO EPEA

Ekintzak egin ahala zuritu ahalko dira, gehienez ekintza bukatu denetik hiru hilabeteko epean, beti ere, hurrengo urteko urtarilaren 10a baino lehen.

11.2 JUSTIFIKATZEKO ERA



Azaldutako epearen barnean eta Oiartzungo Udalaren dirulaguntzak arautzen dituen Ordenantzako VII tituluan zehazten dena jarraikiz, honako dokumentazioa aurkeztu beharko da:

- a) Eskaera-orri orokorra
- b) Jardueraren gastuen eta sarreraren memoria (IV. ERANSKINA)
- c) Diruz lagundutako ekintzen gastuak osotara justifikatzen dituzten **fakturen kopiak IV. ERANSKINEAN** azaltzen den ordenaren arabera.
- d) Entitateak denboraldian izan dituen **laguntzen eta dirulaguntzen kopia (hitzarmenak, GAO, EAO, ...)**.
- e) Kirol-jardueraren memoria (V. ERANSKINA)
- f) Egin bada, programa, publikazio edota kartel iragarleen bi ale.

11.3 JUSTIFIKATZEKO DOKUMENTU BAIMENDUAK

Oiartzungo Udalaren dirulaguntzen ordenantza orokorreko I. eranskinean zehaztutako dokumentuak bakarrik onartuko dira dirulaguntza justifikatzeko.

12. ARTIKULUA.- Dirulaguntza itzultzea

Deialdi honetako 11. artikulua ezartzen duena betez, dirulaguntza eman deneko jardueraren gastuaren aurrekontuari dagokion gastua justifikatzen ez bada, dirulaguntza osoa edo zati bat eta dagokion berandutze-interesa itzuli beharko da, Oiartzungo Udalaren dirulaguntzak arautzen dituen Ordenantzaren IX. Tituluak arautzen duen prozedura jarraituz.

13. ARTIKULUA.- Araudi osagarria

Oinarri-arau espezifiko hauetan berariaz jasotzen ez diren gai guztietan, deialdiaren oinarri-arau orokorretan xedatutakoari jarraituko zaio.

Halaber, Dirulaguntzei buruzko Udal Ordenantzari, Dirulaguntzen 38/2003 Lege Orokorrari eta bat datozen gainontzeko lege xedapenei jarraituko zaie.